

卷一

書名 事物紀原二十卷 正統九年序刊本
撰者 宋 高承 撰，明 陳華等 校
卷 卷一
內容分類 子-類書 彙考 宋
索書號 子部-類書 15
編號 C5923100

[彩色首頁1](#)

[東洋文化研究所漢籍目錄 編號: C5923100](#)

[東洋文化研究所漢籍目錄所藏漢籍善本全文影像資料庫 索書號: 子部-類書 15](#)

[漢籍善本全文影像資料庫文本 事物紀原二十卷 正統九年序刊本](#)

[版權所有: 東京大學 東洋文化研究所](#)

[使用上的注意事項](#)

事物紀原卷之一上

漢陽府推官 建安陳華批點
致仕教諭南平趙弼校正

(天地生植門)

列子曰：太易者，氣之未見也。太初者，氣之始也。始者，形之始也。太素者，質之始也。形氣質具而離，故曰渾淪。高氏小史曰：太易，氣象未分，太初，象始萌。太始，氣象初端。太素，形氣變質。太極，形質已具。然則元氣之始，自太初也。徐整三五曆紀

農業陶漁門

酒醴飲食門

吉凶典制門

第十九卷

凡三門

博弈嬉戲門

我具兵械門

戰陣攻守門

第二十卷

凡四門附錄

律令刑罰門

布帛雜事門

草木花果門

蟲魚為獸門

山海靈怪附錄

事物紀原卷之一上

漢陽府推官

陳華

致仕教諭南平趙弼校正

(天地生植門)

元氣列子曰太易者氣之未見也太初者氣之始也太始者形之始也太素者質之始也形氣質具而未離故曰渾淪高氏小史曰太易氣象未分太初氣象始萌太始氣象初端太素形氣變質太極形質已具然則元氣之始自太初也徐整三五曆紀

曰。歲起提攝氏元氣肇始。有神人號天皇氏。又遁甲開山記曰。蜀山氏分布元氣也。

天地清輕者上為天。重濁者下為地。中和之氣人循之。不得名曰易。以變而為七。七變而為九。九復為一。一者形變之始也。清輕重濁。清以陽發。故氣冲為天。濁以陰凝。故沉為地。天地形別。謂之兩儀。列子曰。視之不見。聽之不聞。周易繫辭曰。易有太極。是生兩儀。高氏小史曰。兩儀分。五運通。二體分形。離為清濁。三五曆紀曰。天地混沌如鷄子。盤古生

其中。一萬八千歲。天地開闢。陽清為天。陰混為地。盤古在其中。一日九變。神於天。聖於地。天日高一丈。地日深一丈。盤古日長一丈。如此一萬八千歲。天極高地極深。盤古極長。然後乃有三皇。此天地人之始也。

四方伍希明太乙金鏡經曰。昔燧人氏仰觀斗樞而定方名。東西南北是也。然則四方之名。蓋始自燧人氏定之。

日月山海經曰。東南海之外有羲和之國。有女子曰

義和郭璞注云。義和蓋天地始生日月也。

星辰馬總通曆曰。地皇氏定星辰。後漢天文誌註曰。黃帝分星次方中外官。常明者百二十四。可明者三百二十。微星一萬一千五百二十。黃帝創制之大畧也。禮記云。帝嚳既序星辰。蓋地皇氏始定為星辰。人皇又名之。至帝嚳而序之。

星官後漢天文誌曰。軒轅始受河圖闢苞受規日月星辰之象。故星官之書自黃帝始。至高陽氏乃使南正重司天。

星次帝王世紀曰。黃帝受命。乃推分星次以定律度。劉昭補註漢志亦曰。黃帝始分星次。如今爾雅所記十二次。與二十八舍之度皆自黃帝始之也。

宿度王子年拾遺記曰。庖犧氏視五星之文。分略之度。史記曆書曰。黃帝名宿度。驗臣瓚謂題名宿度之候。察進退三辰之度。吉凶之驗也。又曰。漢武招致方術士。唐都分天部。漢書音義云。謂分部二十八宿為矩度。而晉書天文志亦曰。庖犧氏立周天曆度也。

陰陽春秋內事曰伏羲氏定天地分陰陽

晝夜通曆曰地皇氏分晝夜

五行史記曆書曰黃帝遠立五行起五部應邵曰金

木水火土是也孟康又謂天有四時分為五行

十二辰事始曰黃帝六子各十二辰以名月又以十

二獸名屬之

君臣典略載云孫瓚表曰皇義以來始有君臣上下

之事由是推之天皇以降雖有其分固已略矣至大

昊始正之也

夫婦杜佑通典曰燧皇氏始有夫婦之道註云人皇

氏是也

五子年拾遺記曰庖犧氏審地勢以定山嶽

谷道甲開山記曰厲山氏產生山谷肇分自此始

正朔曆數門

世本曰大撓造甲子呂氏春秋曰黃帝師大撓

黃帝內傳曰帝既斬蚩尤命大撓造甲子正時月

探五行之情占斗建始作甲乙以名日謂之幹作

子丑以名月謂之支幹支相配以成六旬

歲黃帝定星曆。正閏餘以畢歲事。至堯定四時成歲。書曰。暮三百六旬。又云。以閏月定四時成歲。是則成歲之義。自陶唐始也。

正歷代所尚不同。故所為之正各異。邢昺論語疏有推鄭康成尚書三帛註。謂舜以十一月。堯以十二月。高辛十二月。高陽十一月。少昊十二月。黃帝十一月。炎帝十一月。女媧十二月。又推易說卦云。帝出乎震。謂伏羲也。建寅之月。又以木之始。則正當從大昊始也。後避秦始皇諱。音從征。今尚云然。

閏史記黃帝起消息。正閏餘則閏蓋餘分之月也。黃帝造曆始正之。

月明通曆曰。地皇氏分晝夜。以三十日為月。期高氏小史亦云。

八鄭春秋內事曰。伏羲氏建分八節。以文應氣。晉天文志曰。炎帝分八節。以始農功。

氣候董巴議曰。昔伏羲始造八卦。作三畫。以象二十四氣消息禍福。以制吉凶。禮記月令註曰。昔周公作時訓。定二十四氣。分七十二候。則氣候之起始。

于太昊而定于周公也。

賀正通典曰。漢高帝十月定秦。遂為歲首。七年。長樂宮成。制群臣朝賀。至武帝。改用夏正建寅之月。是則元日慶賀。始於漢高祖也。

占東方朔占書曰。歲正月一日占雞。二日占狗。三日占羊。四日占猪。五日占牛。六日占馬。七日占人。八日占穀。其日晴朗溫。則為番息安泰之候。若陰寒慘烈。為病疾之徵。故杜子美詩曰。元日至人日。未有不陰時。蓋防時之宜也。推此當由庚。

世始有其義。

天慶國朝會要曰。太中祥符元年十一月。詔以正月三日天書降。為天慶節。休假五日。宋真宗時也。

李肇國史補曰。唐貞元五年。德宗年也。初置中和節。李泌

傳曰。德宗以前世上已九日。皆大宴集。而寒食多與上已同。欲以二月多節。自我為古。李泌請以三月朔為中和節。王溥唐會要曰。貞元五年正月十一日。勅曰。四序嘉辰。歷代增置。漢宗上巳。晉紀重陽。朕以春方發生。候惟仲月。勾萌悉達。自今以二月一日為中和節。中者揆

三陽之中。和者。酌仁義之和。因賜大臣戚里刀尺。謂之裁度。民間以青囊盛百穀。瓜果相遺。號曰獻生子。里閭作宜春酒。以祭勾芒神。百官集農書以示務本。

天禧國朝會要曰。天禧元年正月。詔以太中祥符元年四月一日。天書再降。內廷功德閣。其建為天祺節。一如天貺節例。乾興元年二月。禮儀院上言。四月一日。天書降日。節名下一字與御名同。合行回避。詔以天祺節為名。**天禧**祥符元年六月六日降。兗州二年五月八日。詔曰。其六月六日。天書降泰山日。宜令設醮。六月又詔在京及

諸州並賜休假一日。前此遣中使詣宰臣王旦第。特令中外賜假四年正月。以六月六日為天貺節。在京禁屠宰九日。詔諸路並禁。從歐陽彪之請也。

伏日曆忌釋曰。四時代謝。皆以相生。立秋以金代火。而金畏火。故至庚日必伏。庚者金也。陰陽書言。夏至第三庚為初伏。第四庚為中伏。立秋後初庚為末伏。故謂之三伏。史記註有云。六月上伏。秦始皇之所置也。又云。秦穆公始為伏。又荆楚記云。伏日進湯餅。名為辟惡。蓋周時無此。至秦乃有之。

冬至通曆曰。地皇氏以十一月為冬至。高氏小史亦云。賀
冬。玉燭寶典曰。冬至陰陽百物之始。日極南影有履長
之慶。冬至後日漸長。故謂之長至節。復卦主事。蓋陽為
君子。陰為小人。一陽生於此日。乃君子道長。小人道消
之時也。漢雜記云。冬至陽氣生。而君道長。故賀。然則冬
至之賀。是漢制也。

禮記月令。孟冬十月。臘先祖。說文云。冬至後第三戌
日是也。廣雅云。夏曰嘉平。商曰清祀。周曰大蜡。秦初曰
臘。已而為嘉平。祭部云。漢改為臘。風俗通曰。臘者。臘也。

因獵取獸以祭先祖。或曰。臘者。接也。新故交接。大祭以
報功也。蔡邕獨斷云。臘者。歲終之大祭。但送而不迎也。
常言伏臘者。皆所以祭祀也。杜甫秋懷詩。伏臘綠醪漣。
謂祭先祖而悲泣也。

曆通曆曰。太昊始有甲曆。楊泉物理論曰。神農氏立曆曰。
漢律歷志。黃帝造曆。董巴曰。伏羲始作八卦。三畫以象
二十四氣。黃帝因之。呂氏春秋曰。容成作曆。世本亦云。
黃帝內傳曰。既斬蚩尤。乃命容成作曆以司天也。

曆名易乾鑿度曰。曆原名握先。記曰。甲子七十六歲為一

紀二十紀為一部。首註云。握先乃曆始之名。猶言無前也。沿革曰。黃帝考星曆。建五行。起消息正閏餘。謂之記調曆。後代因之。漢有太初。唐有麟德等名也。

算後漢律曆志曰。隸首作算數。晉律曆志曰。黃帝使隸首作算數。

九

魏劉氏曰。庖犧氏始畫八卦。作九九之術。以合六爻

之變。周公制禮。而有九數。九數之流。則九章是矣。一曰

方田。

即今方量田也。而角之法。

二曰粟布。

粟是布。布是錢。謂以多少錢乘多少谷。

三曰衰分。

此是理會實屬。律祿多少之法。

四曰少廣。

如今有積米其中。以其器而量其多少。

五曰商功。

商其主程。如打土。論多少。打幾。方主便會。計得合用。幾多人。

六曰

輸。均其道里。遠近之勞。

七曰盈朒。

盈是考。朒是少。數之盈者。可見隱者。不可見。盈者。八曰方程。

如算錢。逐件除下。零錢。總長補短。湊得齊。正。

九

曰勾股。

此是量山量水之法。今軍中。必兼有。此法者。

渾儀

唐堯即位。義和立渾儀。劉氏曆曰。高陽氏造渾儀。黃

帝為蓋天。是則渾儀始于高陽氏。至舜則璇璣玉衡以

齊七政。

刻漏

黃帝創漏。水制器。以分晝夜。成周之世。宰壺氏掌之。

以百刻分晝夜。

更點

起于易。繫辭。重門擊柝之說。亦自軒轅始也。深刻漏

經云。漏刻之作。蓋肇于黃帝。宣于夏商。之代。周禮有挈

壺氏汪掌刻漏者。

帝王后妃門

皇項峻始學篇曰。天地初立。乃有天皇張惜帝多譜曰。天地初起。溟滓鴻濛。即生天皇治世。一萬八千歲。此稱皇之始也。

帝由天皇至倭人氏。皆稱皇。故有地皇人皇而倭人氏亦號皇帝。王氏紀曰。稱帝。堯舜禹湯繼天而王。史記亦曰。帝太昊伏羲氏此稱帝之始。

尚書呂刑曰。皇帝清問下民。蓋周穆王始以言唐堯

也。秦始皇二十六年。初并天下。自以德兼三皇功過五帝。號曰皇帝。自秦漢以來。至今仍之。

王夏商之前皆稱帝。自周始降帝為王。然夏啓之甘誓稱王曰嗟。仲虺之誥湯曰。惟王不邇聲色。則王之始也。

天子說文曰。古之神聖。母感天而生子。故曰天子。春秋元命包曰。安登生子。人面龍顏。始為天子之稱。帝王世紀曰。神農氏母有蟾氏之女。名曰安登。則天子之稱自安帝始也。

劉向說苑。鮑白令對秦始皇曰。天下官則讓賢。天下

家則世繼故曰五帝以天下為官三王以天下為家
濟萬機論曰五帝官天下故傳之賢三王家天下故傳
於子今指天子為官家猶言帝主也其義始于此又湘
山野錄增文選真宗明李仲容曰何故謂天子曰官家對
曰將濟言三皇官天下五帝家天下兼三五之德故曰
官家隋唐之前亦云大家皆以稱至尊也

五運通曆曰太昊以木德王始有甲曆五運項峻始學儒
曰天地初立有天皇以木王是則五運之氣自天皇始
也然天地開闢之初洪濤鴻濛萬物未立五運相乘宜

未詳也當自太昊為是王子年拾遺記曰伏羲以木德
稱王居東方之舍養蚕化叶于木德其音附甲號曰木
皇此宜木德相乘之始也前漢郊祀志贊曰劉向父子
以為帝出乎震故庖犧氏始受木德馮鎰續事始引徐
秀帝王年代圖云伏羲為百王之首故易曰帝出乎震
即帝王五運震為木起自太昊也又穀子曰五運二說
鄒衍以相勝劉向以相生自伏羲至顓頊以木火土金
水相承漢魏以還共尊劉說孟詵錦帶前書亦曰伏羲
始以木德出乎震故曰太皞

所尚歷代帝王為正各異故所尚不同。邢昺論語疏自夏
正尚黑推而上之謂伏羲以上未聞論女媧尚白神農
尚赤黃帝少昊尚白高陽赤高辛黑陶唐白有虞赤所
尚自太昊始也。

國號後漢班固典引曰肇命人主五德初始厥有謚號莫
不開元於太昊註謂太昊號庖犧炎帝號神農黃帝號
軒轅蓋自燧皇而上止以自名未為天下之號也至太
昊始以庖犧氏為號云。

大正唐虞而上皆傳之賢故無太子之名夏商之主惟傳

其子其文畧矣。不則如見文二世子之目。武王稱之稱
太子發。武王名發其始也漢天子號皇帝故其嫡稱皇太子。
漢高帝紀五年二月甲子漢王即皇帝位尊太子曰皇
太子此其始也。

后春秋命曆序洛書摘三辟曰人皇於人別長九州離民
地精女出為之后註云離艮卦之所推也此稱后之始
三代以上亦無其稱但曰正妃周人妃曰王后。

妃配也。自太昊制嫁娶之禮以相配偶而無以妃名其偶
者帝王世紀至黃帝始有元妃次妃之列。

皇后天子之妃曰皇后。周人稱王妃曰后。秦稱皇帝亦稱皇后。后者繼體之君也。周人稱王妃亦以繼天子之後。故也。尚書顧命曰。皇后憑玉几。蓋史氏以言成王之以道繼人之後也。漢高帝紀。七年。漢王即皇帝位。尊王后曰皇后。

太后史記秦本紀曰。昭王母芋氏號宣太后。故范曄說秦王有獨聞太后之語。其後趙孝成王新立。亦有太后用事之說。是則太后之號。自秦昭王始也。漢襲秦。號王后曰太后。曰皇太后。

漢因秦。事帝母曰皇太后。故學祖母曰太皇太后。其禮雖始於漢。寔自孝武始也。按史記。景帝二年四月壬午。孝文太后崩。高祖之薄后。文帝之母。景帝之祖母也。爾時未號太皇。及武帝即位。迎魯申公議明堂事。司馬遷于儒林傳。乃始稱太皇。蓋實太后好老子言。是太皇之號。自漢武始矣。竇氏文帝之后。武帝之祖母也。

魏以來。諸王之母為太妃。此蓋其始也。司馬氏之晉。帝母其嫡為皇太后。所生母為皇太妃。晉元帝所生母稱夏侯太妃。宋真宗皇帝即位。冊楊貴妃為太妃。亦所

生之母也。

天官后妃四。其一為正嫡。其三為後宮。故帝嘗取象於此立四妃。而正嫡在其中。然黃帝初為元妃嫫祖。次妃嫫母。洎形魚氏。方雷氏。則是四妃之制。自黃帝始矣。三代有三夫人。而無妃號。漢有貴人。魏始置妃。比夫人號。唐初皇后之下。有貴妃。淑妃。德妃。賢妃。是為四妃也。宋孝武孝建三年。初置貴妃。又齊永明元年。有司奏貴妃。淑妃。並加紫綬金章。佩于真玉。

淑妃。魏時。帝置淑妃。齊永明中有司奏淑妃。舊擬九棘。以

淑為溫。溫之稱妃。為亞后之名。進同貴妃。加比三司。

隋煬帝置德妃。后妃傳曰。煬帝參詳典故。自製美名。有德妃為三夫人。

唐百官志。內宮有賢妃。正一品。註云。因隋制也。隋志及北史亦無此名。蓋唐有國之初置也。

春秋公羊傳曰。天子嫁女於諸侯。至尊不自主婚。必使同姓者主之。故謂之公主。續事始曰。自古至周。天子之女。未介封邑。至周中葉。使同姓諸侯主之。始謂之公主也。

長公主。蔡邕曰：漢帝女為公主，姊妹為長公主。職林曰：漢制皇女皆封縣公主，儀服同列侯，其尊榮者加號長公主。儀服同郡王。前漢婁敬說：高祖以長公主妻單于，武帝亦稱衛長公主，此為長公主之始矣。昭帝後元二年二月戊辰即位，鄂邑公主益邑為長公主，即帝姊為長公主也。建武十五年，光武封武陽公主為長公主，即尊榮之制云。

太長公主。漢武帝始封太長公主，號。史記武帝本紀曰：帝以衛長公主妻樂大自王侯將相以下，皆遺獻之。徐廣之母。武帝姑寶太后女太主之號，自行於漢始明矣。東方朔傳：武帝姑館陶公主號寶太主。

縣主。後漢帝女皆封縣公主，其諸王之女乃為公主，其父得以自主婚也。隋唐以來雖諸王之女亦封郡縣，但曰某郡某縣主也。

主國。漢以來公主所封皆無封國者。唐書公主傳亦自高祖謂同安公主而下亦無其事。雖平陽公主有起兵參佐命之功，不過死加鼓吹而已。至睿宗女華婉，乃劉后所生，始封代國公主，後遂以為常制。

事物紀原卷之一

卷一

十五



